

PREMIJERU ZE-DO KANTONA

Predmet: Zahtjev za preispitivanje izvan Kolektivnim ugovorom utvrđenih aktivnosti

Vaša ekselencijo!

Veoma mi je žao što Vam se obraćam nimalo lijepim povodom. Naime, Vi ste lično uložili veom veliki trud i doprinijeli da usaglasimo i potpišemo Granski kolektivni ugovor za oblast zdravstva Zeničko-dobojskog kantona.

Iako je bilo veoma mnogo suprostavljenih stavova između pregovaračkih strana, uspjeli smo doći do obostrano prihvatljivih rješenja.

Međutim, vrlo brzo su se ta rješenja u praksi pokazala nesprovodivim, čak kontraproaktivnim našim očekivanjima. Naše plate, ne da nisu porasle sa vrijednošću utvrđene satnice nego su, u konačnom obračunu i isplatom plata po tom osnovu, sada umanjene. Zakinuti smo po više osnova.

Da bi se situacija dodatno iskomplikovala, ušlo se u još jednu aktivnost, a to je pregovaranje i donošenje novog kolektivnog ugovora sa Samostanim sindikatom doktora medicine i stomatologije, čija je reprezentativnost vrlo upitna i čija je djelatnost neutvrđena.

Ono što je posebno pogodilo radnike u zdravstvu je činjenica da se u prijedlogu „rješavanja problema“ malih plata u zdravstvu ide sa povećanjem plata samo jednoj kategoriji radnika, a to je doktorima.

Na temelju gore navedenog na sjednici Predsjedništva KONSSSRZUZ ZDK održanoj 21.09.2017. godine su donešeni Zaključci:

1. Pismeno se obratiti Vladi – Premijeru Zeničko dobojskog kantona i Ministru zdravlja Zeničko-dobojskog kantona sa zahtjevom za preispitivanje preduzetih izvan Kolektivnim ugovorom utvrđenih aktivnosti i rješenja.
2. Pismeno se obratiti Ministarstvu rada Federacije Bosne i Hercegovine za tumačenje odredbi Zakona o radu.
3. U prilog hitnog rješavanja ovog problema obavijestiti Vladu-Premijera i Ministra zdravlja Zeničko-dobojskog kantona da je 28.09.2017. u periodu od 10 sati do 10 sati i 30 minuta zakazan Štrajk upozorenja u svim javnim zdravstvenim ustanovama Zeničko dobojskog kantona.
4. Napominjemo da je to vrijeme naše pauze za topli obrok.
5. U oktobru (18.10.2017.) Predsjedništvo OONSSSRZUZ ZDK Kantonalna bolnica, uz slijeđenje Zakonom o štrajku predviđenih koraka, najavljuje Generalni štrajk, uz solidarisanje svih javnih zdravstvenih ustanova na ZDK.
6. Ne mirimo se sa činjenicom da su u istom zdravstvenom timu jedni privilegovani, a drugi diskriminirani.
6. Još jednom Vam skrećemo pažnju i pozivamo na preispitivanje Rješenja o reprezentativnosti Samostalnog sindikata doktora medicine i stomatologije.

Želja nam je i nadamo se da ćete ovo naše obraćanje shvatiti konstruktivnim i dobronamjernim.

S poštovanjem,



Predsjednik:

Prim.mr.sci.med.dr Esad Hasaničević